



Ilay Mpaminany tanora manao batisa eo amin'ny reniranon'i Ohio, 1933. Teo ilay Hazavàna no nitambolombolona nidina.

The Acts of the Prophet.
Rev. Pearry Green.
Chapter 6.
Malagasy.

1933.

Saoly, fa mbola tsy nantsoina hoe Paoly, nitsangana ary nihazona ny lamban'ireo izay nitora-bato an'i Stefana ka nahafaty azy, ilay Stefana maherifo. Io no anisan'ny fihetsika feno habibiana nataon'ilay Saoly nanana zotom-po, ary izany dia niafara tamin'ny fanaparitahana Kristiana tany amin'ny tany hafa, izay fahatanterahan'ny didin'Andriamanitra ny hitoriana ny hafatra any ivelany. Indray andro ary Saoly dia nahita Hazavàna izay nanohina azy satria namadika tanteraka ny zavatra tiany hatao teo amin'ny fiainany. Ao amin'ny bokin'ny Asan'ny Apostoly 9:1-7 izany no voarakitra antsonoratra.

- 1 [Ny niovan'i Saoly ho Kristiana] Ary Saoly mbola nifofo fandrahonana sy famonoana ny mpianatry ny Tompo ihany, dia nankao amin'ny mpisoronabe izy,
- 2 ka nangataka taratasy taminy mba handehanany any amin'ny synagoga any Damaskosy, fa raha mahatratra an'ireo izay manaraka io fomba io izy, na lahy na vavy dia ho entiny misfatotra mankàny Jerosalema.
- 3 Ary raha nandeha izy, dia tonga teo akaikin'i Damaskosy; ary tampoka teo dia nisy hazavàna avy any an-danitra namirapiratra nanodidina azy;
- 4 dia lavo tamin'ny tany izy ka nandre feo nanao taminy hoe: Saoly, Saoly, nahoana ianao no manenjika Ahy?
- 5 Ary hoy izy: Iza moa ianao, Tompoko? Dia hoy Izy: Izaho no Jesosy Izay enjehinao;
- 6 fa mitsangàna, ka mankanesa ho any an-tanàna, dia holazaina aminao izay mety hataonao.
- 7 Ary ireo lehilahy izay niaraka nandeha taminy dia nitsangana tsy nahateny, ary nandre ny feo izy ireo, nefo tsy nahita olona.

Saoly dia tsy irery tamin'ny nitrangan'io toe-javatra io. Fa rehefa lasa "Paoly" izy dia nitantara ny zava-nitranga indroa ao amin'ny Bokin'ny Asan'ny Apostoly. Ao amin'ny Asa 22:9 (Ary ireo izay niaraka tamiko dia tena nahita ny hazavàna, ary raiki-tahotra;fa kosa tsy naheno ny feo izay nilaza tamiko.) ary ao amin'ny Asa 26:13-15, nanoloana ny mpitsara:

13. Tamin'ny mitatao vovonana, O ry mpanjaka, nahita hazavàna avy any an-danitra aho teny an-dàlana, mihoatra nohon'ny hazavàn'ny masoandro, namirapiratra nanodidina ahy, sy ireo naira-nandeha tamiko.
- 14 Ary rehefa nianjera tamin'ny tany teo izahay rehetra, dia naheno feo niresaka tamiko aho, izay nilaza tamin'ny teny Hebrewo, Saoly, Saoly, nahoana ianao no manenjika ahy? Sarotra aminao no handàka hanohitra ny tsindrona.

15; Dia hoy aho, Iza moa ianao, Tompoko? Dia hoy ny navaliny, Izaho no Jesosy izay henjehiniao.

Hitantsika ary fa tsy misy mifanohitra ireo fitantarana ireo, fa ny feo dia tamin'ny teny Hebreo ary izy irery ihany tamindry zareo no afaka nahafantatra izay voalaza. Fa ho an'ny foto-pisainana mandeha ara-nofo, izay tsy manana faniriana hino ny Soratra Masina, dia tahaka ny filazana zavatra tsy marina izao. Tantaraiko io karazana fifanoherana io ao amin'ny filazana ny zavatra nataon'i Paoly, ka noho izany ireo izay mamaky izao manaraka etoana izao, fa ny Hazavàna teo amin'ny fiainan'i Rahalahy Branham dia mampiseho fa tsy misy mahasamihafa izany eo amin'ity tantara ity sy ny hafa izay mety efa henon'izy ireo amin'izay nosoratan'i Paoly, dia ny tenany no nanoratra momban'ny fiainanay.

Tamin'ny 11 Jona 1933, rehefa nanao Batisa teo amin'ny renirano Ohio i Rahalahy Branham, tery amin'ny vodilàlana eo Spring Street tao Jeffersonville, dia nisy Hazavàna tsy fahita isan'andro, tahaka ny kintana, tonga tampoka nihodikodina nidina ary nihantona teo ambony lohany. Teo amin'ny 4000 teo ho eo ny olona nipetraka teo amoron'ny renirano nanatrika, maro tamin'izy ireo no vavolombelona nahita an'io tranga-javatra tsy azo hazavaina io. Ny sasany nitsoaka nohon'ny tahotra; ny sasany nandohalika nivavaka. Maro no nametra-panontaniana tao ampony ny dikan'io trangan-javatra tsy manampaharoa io. Tahaka an'i Saoly, nisy Feo niresaka avy amin'ny Hazavàna. Izao no teny voalaza, "Tahaka ny nanirahana an'i Jaona Mpanao Batisa hialoha lâlana ny fiafian'ny Tompo voalohany, ny hafatrao dia hialoha lâlana ny Fiaviany Fanindroany...."

Raha inoan'ny olona fa Andriamanitra dia nampiseho ny Tenany tamin'i Paoly tamin'ny Andry Afo, dia inona ary no manakana azy ireo tsy hino fa Andriamanitra dia afaka, ary nanao, ary namerina izany aty amin'ny taonjato faha-roapolo? Kanefa na dia tamin'ireo izay nampiasain'Andriamanitra mba hanamafy ny hafatra teo amin'ny vodi-lâlana tao Spring Street aza, sy ireo teny tamin'ny teny tsy fantatra sy ny fandikan-teny, dia mbola ao ireo mandà fa ny Rahalahy Branham no mpialoha lâlana miaraka amin'ny Hafatrao (Message) alohan'ny hiavian'i Jesosy Kristy Tompo.

Na ny olona tao San Antonio, Texas, izay namerimberenan'Andriamanitra ireo teny ireo aza, "Tahaka ny nanirahina an'i Jaona Mpanao Batisa..." dia mandà ankehitriny. Tsy mahatoky izay nolazain'Andriamanitra azy ireo ny taona 1946, na koa lasa lavitra loatra izy ireo amin'ny teolojiansy ka mihevitra izy fa afaka hovainy ny faminaniana tany amboaloahany. Amin'ireo antony roa ireo dia diso izy ireo. Raha nirahin'Andriamanitra io lehilahy io miaraka amin'ny fanahirin'i Elia mba hialoha lâlana ny Fiaviany Fanindroany ary hanitsy ireo izay zavatra lasa tany amin'ny fombandràzana ka niala tamin'ny Tenin'Andriamanitra, ary raha mihazona ny Teniny Andriamanitra amin'io lehilahy io isaky ny milaza izy, "Izao no lazain'ny Tompo" dia tokony hiaino koa isika ny fampianarany.

Ny taona 1933 no taona tena nisian'ny fanambarana lehibe ho an'ny Rahalahy Branham sy ireo mpanaraka ny hafatra nentiny hatramin'izay. Andeha isika hamadika ny Baibolintsika ao amin'ny toko faharoa amin'ny bokin'i Daniela, izay fototr'ireo fanambarana ireo. Ny Mpanjaka Nebokadenezara dia nahita sary tamin'ny fahitâna izay toa sarotra ny hanazava azy, na dia nantsoiny daholo aza ny mpanao mazia, ny ombiasy, ary ireo olo-kendry mba hanome valiny. Henony anefa avy eo fa i Daniela dia mety ahavaha ny olana. Ilay sary hitan'i Nebokadenezara dia nanana loha volamena tena tsara, tratra sy tanana volafotsy, kibo sy ny fe varahina, ranjo vy, ary tongotra manana ampahany vy sy ampahany tanimanga.

Ny mpaminany Daniela dia nampiseho tamin'ny mpanjaka, tamin'ny alàlan'ny Tenin'Andriamanitra, fa io sary io dia fanalahidy ho an'ny fitondra-panjakàna izay ho tonga ambonin'ny tany tamin'ny andron'ny Nebokadenezara mandrapahatonga ny farandro. Nebokadenezara, ny tenany dia mpanjaka

lehibe dia ilay loha volamena. Aoriany dia hisy fanjakana ambanimbany kokoa izay asehon'ny tratra sy tanana volafotsy (ny tantara dia mampiseho fa io ny fanjakàn'ny Medes sy Persia). Manaraka an'io dia ny fanjakan'ny Grika taloha izay oharina amin'ny varahina.

Aorian'io dia misy fanjakana keikely kokoa izay tamin'ny voalohany dia nikambana, ary avy eo dia nizarazara (ny kibo sy ny fe varahina). Ny Fanjakàna Romana (Empire Romain) io fanjakàna io, fa io dia nanomboka tamin'ny fanjakàna iray avy eo nizara. Ny ranjo vy dia oharina amin'ny herin'ny fanjakana Eropeana sy ny fifandajan-kery avy amin'ny fanjakana Romana. (Empire Romain); Fa ilay sary dia manana tongotra izay ny ampahany vy sy ampahany tanimanga, zavatra roa tsy afaka afangaro. Ny anarana hoe "Eisenhower" dia midika hoe vy, ary "Krushchev" dia midika hoe tanimanga. Ireo lehilahy roa ireo dia mitondra fanjakana dimy avy, ary isaky ny mitady hiaraka izy ireo, dia hitany izao fa tsy afaka hifangaro mihitsy izy. Misy foana ny fifandirana. Ireo firenena ireo dia toa nanjary nikambana amin'izao fotoana izao ary lasa sarotra ny hizara izao tontolo izao amin'ny fanekena vy sy tanimanga, tsy hikambana mihitsy ireo eo ambanin'i Eiseinhower sy Krushchev. Tadidio fa raha tonga tao amin'ny firenena mikambana i Krushchev, dia inona no nikapohany ny latabatra? Tsy ny totohondriny, tsy maritoa, tsy ny lohany, tsy boky, fa ny kirarony. Araka ny fampianaran'ny Rahalahy Branham dia mampiseho mazava fa ao amin'io fanjakana farany ety an-tany io no misy antsika. (ny tongotry ilay sary) alohan'ny farandro, araka ny faminanian'i Daniela.

Tahakan'ny nanehon'Andriamanitra tamin'i Daniela ireo zavatra izay hitranga mandrapahatongan'ny farandro ireo, dia tahaka izany ny faraparan'ny taona 1932 ka hatrany amin'ny fiandohan'ny taona 1933, rehefa nitarika ny favoriana ny Rahalahy Branham tao amin'ilay trano Masonic Hall taloha tao Meigs Avenue any Jeffersonville, ary dia tranga-javatra fito lehibe no nambara taminy izay tsy maintsy hitranga alohan'ny hiverenan'i Jesosy Kristy Tompo. Tamin'io maraina io, alohan'ny nitoriany teny dia niseho taminy nisesisesy ireo fahitana ireo. Ny voalohany dia hanao fanafiam-bohitra ao Etiopia i Mussolini, ary araka ny feo izay reny niresaka taminy dia hianjera amin'izany fandrosoan'i Mussolini izany i Etiopia. Kanefa ilay feo dia nitohy ary naminany fa hahatsiravina ny hiafaran'io mpanao didijadona io. Tsy maintsy mampihorin-koditra ny hahafatesany ary ny vahoakany dia handrora azy. Ankehitriny izany dia mijanona ho tantara araka izay efa nitranga.

Ny fahitana manaraka dia nampiseho ny fomba nidiran'i Amerika tamin'ny Ady Lehibe nanoherana ny Alemàna, izay notarihan'ilay Austrian anakiray. Ny filazana mialoha dia mampiseho fa misitero no hiafaran'io mpitarika io vokatry ny ady mahatsiravina handrodanana azy. Tamin'io fahitana io dia naseho ny Rahalahy Branham ny Sigfried Line lehibe, (Ny Siegfried Line dia fiarovana ara-miaramila lehibe tany amin'ny sisin-tany andrefan'i Alemàna), taona maro alohan'ny nahavitan'izany, naseho taminy fa betsaka ny aina hafoy ho an'i Amerika mba handrodanana io fiarovana ara-miaramila io. Tao amin'ny fahitana iray hafa, somary taoriandriana, dia naseho azy fa ny Filoha Roosevelt no hanangan'ady amin'ny Alemàna ary ho voafidy ho filoha faninefany izy, izay zavatra mbola tsy nitranga hatramin'izay, tadidio fa tamin'ny taona 1933 i Roosevelt no voafidy voalohany hitondra.

Ilay fahitana fahatelo dia nampiseho fa misy "isms" telo ety amin'izao tontolo izao: Fascism, Nazism, sy Communism, ary ireo roa voalohany ireo dia tsy ahaomby fa ny Communism no hiroborobo. Ilay feo dia nanoro azy mba hijery manokana an'i Rosia momban'ny zavatra hitranga any aoriania, ary nilaza, "Jereo tsara Rosia, fa ho tonga hery lehibe ety an-tany izy". Tamin'ny 1933, Rosia dia tsy neken'ny Amerikàna ho firenena ara-dalàna. Nitranga ny fikomiana ny taona 1917 ary dia tsy nisy fifandraisana teo amin'ny ambasadaoron'ny roa tonta.

Ny fahitana fahaefatra dia mampilaza mialoha ny fandrosoana lehibe eo amin'ny siansa raha vao vita ny ady. Tamin'io fahitana io, dia nahita fiara manana endrika atody izy mandeha amin'ny lèlamben'i

Amerika.Miangavy anao aho mba hijery ny dokam-barotry ny Volkswagen amin'izao fotoana izao,ary dia hampitaha izany amin'ny atody dia sahy hilaza, "Raha endrika hafa dia tsy ho tsara noho izao!" Tamin'ny taona 1933, io fiara io dia mbola tsy noheverina akory ny fisiány. Ankoatr'izany dia nahita fiara manana tafo mibontsina koa izy, tena mandeha ho azy amin'ny lâlambe izay misy saofera mitodika ary milalao karazana lalao amin'ireo mipetraka ao aorianá. Ilay fiara dia tsy misy familiana. Ankehiririny dia efa manana ireo fiara ireo izy ireo, baikona avy amin'ny alàlan'ny elektronika, izay nampisehoana tao amin'ny World Fair tamin'ny taona 1962.

Ny fahitana fahadimy dia mahakasika vehivavy eto amin'izao tontolo izao. Tamin'io fahitana io dia nampiseho azy ny fahapotehan'ny sain'ny vehivavy faran'izay haingana, manomboka miverina any amin'ny atao hoe "fahalahahana" mba hiditra ao amin'ny tontolon'ny politika avy amin'ny alàlan'ny fandatsaham-bato. Hitany tao fa io famelâna hifidy io dia hahatonga vokatry ny fifidianana, avy amin'ny alàlan'ny vehivavy ao Amerika, filoha "zazalahy" ho lany. (Tadidio fa i Jack Kennedy no lany ho filoha tamin'ny vato narotsaky ny vehivavy.Teo ary dia nanomboka nampiseho ny fitanjahany ny vehivavy,mampiseho ny faritra mahamenatra amin'ny tenany. Hitany izy ireo manao volo tapaka hatreо amin'ny tendany (bobbed hair), manao fitafian-dehilahy,ary dia lasa vetaveta. Ary ny niafarany dia hita tao amin'ilay fahitana izy ireo fa tena niboridana, zara raha nanao lamba kely mitovy habe amin'ny ravina aviavy. Izany izao no atao dokam-barotra any amin'ny magazine -akanjo plastika izay afaka hijerenao ny ao anatiny, izay zara raha misy manampina ny faritra tena mahamenatra. Ny vehivavy izay tsy nomen-danja, dia niteraka fahapotehana maharikoriko amin'ny nofo rehetra tonga tety an-tany ary izany fahavetavetana izany dia araka izay efa voalazan'ny Tenin'Andriamanitra fa hitranga.

Dia avy eo dia ny fahitana fahaenina, dia nipoitra avy ao Amerika ilay vehivavy anankiray tsara tarehy, miakanjo tena mamirapiratra ary akanjona mpanjaka, ary hery lehibe no nomena azy. Tsara tarehy izy raha jerena, kanefa misy zavatra "toa enjana be (masiaka) rehefa tena dinihina", hoy ny Rahalahy Branham "tsara tarehy tahaka izao ve kanefa dia loza be, ratsy, fetsy, ary mpamitaka." Nofeheziny ny tany sy ny fanjakana. Tena to-teny izy teo amin'ny vahoaka. Ny fahitana dia nampiseho raha izany vehivavy izany dia tena hipotra ara-bakiteny, na karazana fikambanana no dikany,izay faritan'ny Soratra Masina fa Vehivavy. Kanefa na dia tsy nasehon'ilay feo aza hoe iza io vehivavy io, Ralahy Branham dia nieritreritra tao am-pony fa mampiseho ny fiakaran'ny fiangonana Katolika Romana io, ary dia nataony tao anaty fononteny tamin'ny faran'ny fahitana, izay nosoratany hoe, ny teny.

"Mety ho ny fiangonana Katolika Romana." Raha jerena fontsiny ohatra ny famehezana (controle) izay ataon'io fikambanana io amin'izao fotoana izao amin'ny fitondra-panjakatsika, dia eo no ahitana ny hifandraisant'izany. Taona vitsivitsy lasa izay, ny Postal Service dia tsy afaka mametraka labozia eo afovoan'ny "couronne" amin'ny fitomboka Krismasy fa sao mantsy mampiseho fomba fivavahana hafa.Fotoana fohy taorian'izany anefa,dia nanaparitaka sarina vehivavy anjely mitsoka anjomara ary dia nantsoin'izy ireo hoe, ny Arikanjely Mikaela. Ny taona manaraka an'io dia nanaparitaka ny sarin'i Maria virijiny mipetraka eo amin'ny sezà fiandrianana mena mitazona an'i Jesosy zaza ary nolazainy fa fahatsiarovana lehibe io sary io. Izany hoy izy ireo dia mandrà-piverin'ny lehiben'ny Paositra avy any amin'ny Papa, ary rehefa nahita io ady hevitra io aho dia nilaza, "*Tsy ho mpiatsara-velatsihy intsony aho,fa tena ny fitondrà-panjákana Amerikana mihitsy izao no mampiseho fa mila fivavahana hafa izy.*"

Io dia mampiseho fa tsy voafeny intsony io na dia nanakiana aza ny Protestantana, ny Silamo,ary ny Jiosy, ny fanjakantsika dia mbola nitohy nanaparitaka fitomboka (timbre) manome vahana ny fiangonana Katolika. Ny taona manaraka dia mbola teo ihany ireo fitomboka ireo, ary nitombo 85 isanjato ny habeny, satria tena betsaka ny olona no nandray azy ny taona teo aloha. Noho izany rehefa namono olomasina efapolo teo ho eo ny Fiangonana Katolika izay tsy ela akory,dia nolazain'izy ireo fa ny antony hoy izy dia ny mba hidiran'ny Protestantana ao amindry zareo. Fa ny Baiboly dia milaza fa

homeny an'ilay fiangonana vehivavy janga daholo ny heriny, izay renin'izy rehetra. (Apokalipsy 13:15)

Raha tsy hinoan'ny olona fa io lehilahy io dia mpaminany lehiben'Andriamanitra, rehefa ny dimy tamin'ireo fahitâna izay nasehon'Andriamanitra azy ireo tamin'ny 1933 ambarapahatongan'ny farandro dia efa tanteraka ara-bakiteny, fa jamba izy ireo. Nampisehoana ihany koa fa ilay fahitana fahaenina dia eo andala-pahatanterahana. Inona no manakana ny Fiangonana Katolika tsy haka an'i Amerika?

Avy eo dia mbola nangatahin'ilay feo ihany Rahalahy Branham mba hijery fanindroany. Rehefa nitodika izy, dia nahita fipoahana lehibe izay nampitriatra ny tany ary setroka sisa no hita teo Amerika, fahapotehana tsy misy hoatr'izany. Izay hitan'ny maso dia tsy misy afa-tsylavaka ary fako midonatsetroka, fa tsy misy olona tazana teo - ny fahitâna fahafito dia niàla.

Fahitâna dimy lehibe no efa tanteraka - ny roa mbola handrasana. Ahoana ny fomba hiheveranao fa ireo roa hafa ireo dia ho tanteraka ihany koa. Jereo tsara ireo zavatra voarakitra tao amin'ireo dimy voalohany ireo ary ny ahaben'ny fiovaovany - Ilay Austriana nitarika an'i Alemâna, sy ny misiterin'ny fiafarany, ilay tsipika Seigfried sy ny Alliés resy tao, Italy nandeha nanafika tany Etiopia, ny fahafatesan'i Mussolini izay tena nampihorinkoditra, ny fiakaran'ny herin'i Rosia, Communism mandresy ilay ism iray, ny fiara misy dongony, ny fahavetavetana eo amin'ny vehivavy - ireo rehetra ireo dia faminaniana tamin'ny 1933 - ary dia tantara ireo izao.

Raha dinihana izany ireo antony maro ireo, izay akambana amin'ny antony iray di a ny zatovolahy William Branham, voafetra ny fianarana nataony ary azo lazaina tsy nisy nifandraisany tamin'ny lafiny ara-politika, dia ireo faminaniana ireo izany dia mety avy amin'ny eritreriny na ny sainy. Tsia, ny zavadoza izay nasehon'ireo fahitâna dimy ireo dia tsy tongatonga ho azy satria tena lehibe. Noho izany, dia hoy aho, marina fa ireo fahitâna roa ireo dia mbola ho avy ary ny fampihorohorona izay voarakits'izany dia ho ampy hahafantaran'ny olona iray an'izany, mba hanatonany an'Andriamanitra amin'ny fony rehetra dieny mbola misy ny fotoana.

Mbola lavitra ary ve isika mandrâpaha-tanterak'ireo fahitâna ambiny ireo? Dia jereketo eto avy amin'ny alâlan'ny tenin'ny Rahalahy Branham, voalaza ny 1961 tao anatin'ny toriteny "Ilay herinandro fiton'i Daniela" rehefa tonga tao an-tsainy ny faminaniana nataony ka notantarainy tao amn'ny fiangonany ny taona 1933.

Amin'ny fivoarana tsy mitsahatra mandroso, dia ho lazaiko mialoha ilay fotoana - tsy fantattro hoe ahoana aho no miteny izany - fa lazaiko mialoha fa hitranga izany eo anelanelan'izao fotoana izao sy ny taona 1977.

Dia avy eo notohizany ny toriteniny ary nolazainy:

Fa tsy mahalala an'io aho fa Andriamanitra mahalala ny foko, mbola tsy fantattro io na dia hatramin'ny omaly aza, fa 1977 ny jaobily, ary tena mitovy amin'ny fotoana lany izay nanomezany an'i Israely sy ny zavatra rehetra amin'ny farany... Ary amin'izao isika dia amin'ny vanimpotoana farany, ao amin'ny fahatongavan'ny herinandro faha fitopolo.

Raha nalefan'Andriamanitra io lehilahy io, dia nantsoin'Andriamanitra hatrany ambohoka izy, efa

nomaniny hatrany amin'ny fahazazany, nipoitra taminy taminy ireo fomba tsy azo hazavaina (supernatural), tahaka ny nataony tamin'ny Apostoly Paoly, nahoana ny olona amin'izao fotoana izao no tsy manam-pinoana fa ilay Andriamanitra notompoin'i Paoly ihany no tompointsika?

[Tenin'ny mpizara: Rahalahy Branham dia mameetraka mazava tsara ny maha-samihafa ny “prediction” (izany hoe fanazavana amin’ny maha-olombelona) sy ny faminaniana “prophecy” (filazàna mialoha avy amin’ny alàlan’ny Tsindrimadrin’Andriamanitra). Nilaza izy ohatra tao amin’ny toriteniny “Fanontaniana sy Valiny” (64-0823E) fa “*Jesosy mety tsy mbola ho avy ao anatin’ny zato taona akory. Tsy fantatro hoe rahoviana Izy no ho avy. Tsy misy mahalala hoe rahoviana Izy no ho avy.*” Tsy asehon’Andriamanitra ny Mpaminaniny daholo ny Tsiambaratelony. Ny fijerena fohy ao anaty Baiboly dia mamaritra mazava tsara fa ireo izaynofidiana, voahosotra, kanefa olombelona, dia tsy voatery ahafantatra ny fahatanterahan’ny faminanian’Andriamanitra. Mosesy dia nireshaka momban’i Kristy, nampanantenaina (ho avy) fa Andriamanitra dia hanangana Mpaminany hitovy aminy, ary Isaia koa dia nanambara tamin’ny fomba ankehitriny (Temps present), “Fa zaza no teraka ho antsika, ho antsika dia zazalahy no nomena”fa ny fahatanterahan’io faminaniana io ara-bakiteny (ny fahaterahan’i Kristy) dia tsy maintsy niandry 800 taona taty aorianan’ny nilazan’i Isaia izany.]

<http://www.believersnewsletter.org>



info.bnl.ministries@gmail.com